

情境式演說

基礎篇 10

請共下面這四個圖，照順序組成完整的描述。

(會當盡量發揮，毋過四個圖攞愛講著。)



基礎篇 10

參考範例

● 圖 1.

拜六，拄仔好廟裡咧鬧熱，有請布袋戲班來搬戲。阿爸就恁我佢小妹去廟埕看鬧熱，我佢小妹干焦捌佇電視看過布袋戲，頭一擺看著現場的布袋戲，看台仔頂的布袋戲尪仔佇遐飛過來閣飛過去，實在足心適的！

● 圖 2.

表演看煞，小妹發現戲台仔邊有人咧賣布袋戲尪仔。因為頭拄仔的布袋戲有影足精彩的，我佢小妹就一直拜託阿爸予阮買布袋戲尪仔，阿爸看阮遮爾想欲愛，就答應予阮一人買一身，閣吩咐阮一定愛好好仔珍惜。

● 圖 3.

最後，我揀一身牛魔王，小妹揀一身孫悟空。賣布袋戲尪仔的阿婆閣順繼教阮按怎弄布袋戲尪仔，我佢小妹攏學甲足認真的，阿婆嘛呵咾阮真有天份，弄甲足好的！

● 圖 4.

轉去厝的路裡，我佢小妹那行那耍，小妹喝一聲：「牛魔王，好膽莫走！」我應一句：「想欲比一下輸贏是無，無問題，我牛魔王奉陪到底，看招！」阮耍甲足歡喜的，阿爸嘛佇邊仔拍嘆仔贊聲。布袋戲毋但刺激閣好看，布袋戲尪仔嘛誠趣味，阮後擺欲閣綴阿爸做伙來廟埕看布袋戲。

評判提問

1. 除了布袋戲，你閣知影啥物傳統戲劇？請你講看覓。
2. 你敢有佢意看傳統戲劇？是按怎？請你講看覓。

情境式演說

基礎篇 11

請共下面這四個圖，照順序組成完整的描述。

(會當盡量發揮，毋過四個圖攏愛講著。)



基礎篇 11

參考範例

● 圖 1.

歇睏日，阿峰去阿明個兜迫迫。耍甲一半，阿明個兜的狗仔「阿塗」雄雄從入來，跳起去阿明身上，阿明喝講：「哎唷！阿塗，你的身軀哪會遮臭啦！」阿峰共鼻仔捏咧，講：「阿塗毋知走去佢位潑甲規身軀烏趑趑閣臭臭，咱來共伊洗身軀好矣！」

● 圖 2.

個兩個人共阿塗抱去浴間仔，準備共洗身軀。阿峰講：「阿塗真乖呢，洗身軀攏袂烏白振動。」阿明笑講：「可能嘛知影家己足臭的，哈哈！」這時，阿塗拄好叫一聲，親像咧應講「著啊！」

● 圖 3.

個兩個人同齊共阿塗洗身軀，啥人知影，咧沖水的時，阿塗雄雄甩一下，共身軀的水噴甲規四界，阿峰恰阿明嘛予噴甲澹漉漉。最後總算共阿塗洗清氣矣，個閣順繼共浴間仔款予好勢。

● 圖 4.

阿明個阿母為著欲感謝阿峰鬥相共，就叫阿峰留落來做伙食中晝。阿峰那食那呵佬阿明個阿母足勢煮的，阿明個阿母嘛聽甲笑哈哈，叫伊以後較捷來耍咧。

評判提問


1. 你敢捌飼過動物？若有，平常時仔你會按怎共照顧？請你講看覓。
2. 咱去別人兜的時，應該愛注意啥物？請你講看覓。

情境式演說

基礎篇 12

請共下面這四個圖，照順序組成完整的描述。

(會當盡量發揮，毋過四個圖攞愛講著。)



● 圖 1.

今仔日阿公俾我去整餛飩店，這間餛飩店雖然無大間，毋過賣的物件百百款，袂輸超市咧。阿公問我想欲買啥物？我拄仔好有淡薄仔喙焦，就共阿公講我想欲買飲料。阿公就講：「好啊，按呢咱買三罐果汁，你一罐、我一罐，閣有一罐予恁阿媽，按呢好無？」我隨應講：「當然嘛好！」

● 圖 2.

果汁揀好，我恰阿公就提去櫃台結數。頭家講：「這一罐三十五箍，三罐算你一百就好！」講煞就提塑膠袋仔欲共飲料貯起來，我隨共頭家講：「頭家，毋免予阮塑膠袋仔啦！」

● 圖 3.

頭家問講：「你欲直接用手提轉去喔？」我笑講：「無啦，阮家己有紮袋仔，麻煩你共飲料囡入來這跤袋仔。」頭家講：「原來是按呢，無問題。」

● 圖 4.

頭家共飲料提予阮，閣講：「囡仔兄，袂穩喔！出來買物件閣知影家己紮袋仔來貯，實在真環保！」我聽甲真歹勢，共頭家講：「多謝你的呵咾！」阿公嘛聽甲真歡喜，摸我的頭呵咾我足乖的。

評判提問

1. 頭家用啥物物件欲共飲料貯起來？
2. 除了家己紮袋仔去買物件，閣有啥物代話嘛是咧做環保？